

Zahvala pripada samo Allahu, neka su mir i salavat na Allahovog Poslanika, njegovu porodicu, ashabe i sve one koji ga slijede, a zatim.

Istinsko značenje potpunog islamskog hidžaba (zaštite) jeste boravak žene u svojoj kući, ne gleda muškarce koji su joj stranci i zaštićena je od njihovih pogleda u nju. Rekao je Uzvišeni: **{U kućama svojim boravite i ljepotu svoju, kao u davno pagansko doba, ne pokazujte}** [El Ahzab: 33]. Ženi je naređeno da boravi u svojoj kući i da ne izlazi iz nje osim u velikoj potrebi, te da se ne ističe pred muškarcima i ne pokazuje svoju ljepotu (da se ne otkriva).

Pod pokazivanjem (otkrivanjem) se podrazumijeva zabrana otkrivanja nečega od tijela kao što je lice, ili ruka, ili nešto drugo. Stoga, sestra muslimanka mora da pokrije cijelo svoje tijelo sa odjećom koja je neprozirna, široka i koja će zaštititi i prekriti njeno tijelo u potpunosti. Svaki musliman mora da zna da je prekrivanje lica žene pred muškarcima strancima vadžib (obaveza), a dokaza za to je mnogo, među kojima:

Prvi dokaz: Jasna naredba u govoru Uzvišenog Allaha: **{I neka ne dozvole da se od ukrasa njihovih vidi išta}** [En-Nur: 31]. Rekla je majka vjernika 'Aiša ؓ: „Allah se smilovao prvim ženama muhadžirkama koje su, kad je Allah objavio **{i neka vela svoja spuste na grudi svoje}** pocijepale svoje haljine i njima pokrile glave.“ [Bilježi Buhari]. Rekao je Ibn Hadžer u svom objašnjenju ovog hadisa: „Njen govor 'njima pokrile glave' znači da su pokrile svoja lica tako što su uzele himar i stavile ga sa desne strane lica prema lijevoj strani do ramena i to znači pokrivanje.“ [Fethul-Bari]. Rekao je Eš-Šenkiti nadovezujući se na prethodni hadis od 'Aiše: „To je sahih (vjero-dostojan) i jasan hadis koji govori o ashabijkama koje su shvatile da govor Uzvišenog Allaha **{i neka ne dozvole da se od ukrasa njihovih vidi išta}** znači pokrivanje lica...i to je dokaz da nema razilaženja u tome da je pokrivanje žene i njenog lica od muškaraca stranaca potvrđeno u vjerodostojnom Sunnetu koji je dokazan Knjigom Uzvišenog Allaha.“ [Advaul-bejan].

Drugi dokaz: Jasna naredba u govoru Uzvišenog Allaha: **{O Vjerovjesniče, reci ženama svojim, i kćerima svojim, i ženama vjernika neka spuste haljine svoje niza se.}** [El Ahzab: 59]. Rekao je Ibn Kesir: „Prenosi Ibn 'Abbas ؓ:

'Allah je naredio ženama vjernika da kada izađu iz svojih kuća, zbog potrebe, pokriju svoja lica od glave pa prema dolje i spuste svoje haljine niza se, te da u potrebi otkriju jedno oko.“ Rekao je Šejhul-islam Ibn Tejmijje ؒ: „Prije nego je objavljen ajet o hidžabu, žene su izlazile otkrivenih lica i ruku, što su muškarci mogli vidjeti, i u to vrijeme žena je smjela otkriti lice i ruke i tada se moglo gledati u nju. Nakon toga, Allah ﷻ je objavio ajet kojim se naređuje pokrivanje žene pred muškarcima. Bilo im je naređeno da spuste svoje haljine niza se kako bi se raspoznale i da prekriju svoje lice npr. sa nikabom; a lice i ruke su ukrasi koje je ženi zabranjeno da otkriva strancima. A što se tiče pogleda stranaca oni mogu vidjeti samo ono što je vidljivo od odjeće koja pokriva ženu.“ [Medžmu'al-fetava].

Treći dokaz: Ono što prenosi majka vjernika 'Aiša ؓ o potvori na nju, gdje je rekla: „Izašla sam sa Allahovim Poslanikom ﷺ nakon što je objavljen hidžab...“ – zatim je spomenula kako je izostala od vojske – a nakon toga rekla: „i dok sam tu sjedila, savladane su mi oči (snom) i ja sam zaspala. Iza vojske (bijaše izostao) Safvan b. Mu'attal Sulemi i Zekvan. Safvan je, prolazeći pored moga boravišta, ugledao emu pri liku kako spava. Potom mi se približio, a on me je vidio prije pokrivanja, i ja sam se probudila na njegov povik i odmah sam pokrila lice sa svojim džilbabom (haljinom).“ [Bilježi Buhari].

Rekao je Ibn Hadžer u objašnjenju ovog hadisa: „Govor 'nakon što je objavljen hidžab' znači nakon što je naređeno pokrivanje žena kako ih muškarci ne bi mogli vidjeti.“ [Fethul-Bari].

Četvrti dokaz: Ono što bilježi Muslim u vezi izlaska Allahovog Poslanika ﷺ od 'Aiše prema El Beki'u, te njenom praćenju njega ؓ gdje je rekla: „Polako je uzeo svoj ogrtač, nazuo obuću, nečujno otvorio vrata, lagano ih zatvorio i izišao. Stavila sam svoju košulju na glavu, pokrila se, prekrila sam lice velom i krenula za njim sve dok nije došao do El Beki'a.“

Peti dokaz: A to je ono što nam je rekao Allahov Poslanik ﷺ: „Žena dok se nalazi u ihramima neće stavljati nikab niti će oblačiti rukavice.“ Ovaj hadis je dokaz za to da mimo ovog stanja, kada žena nije u ihramima, onda mora staviti nikab i obuću rukavice, te mora prekriti svoje lice i svoje ruke. Međutim, džumhur fakiha kažu da ovaj

hadis nije dokaz da žena u ihramima smije otkriti svoje lice nego je dokaz da nije dozvoljeno ženi u ihramima da nosi nikab i rukavice. A na njoj je da nakon toga prekrije svoje lice sa onim sa čim želi od svoje odjeće. Njihov dokaz za to je govor 'Aiše ؓ: „Pored nas su prolazili konjanici dok smo u ihramu putovale sa Allahovim Poslanikom ﷺ. Kada bi bili naspram nas, neka od nas bi sa glave spustila svoj veo na lice, a kada bi prošli, podigle bismo ga.“ [Bilježe Ahmed, Ebu Davud i Ibn Madža].

Šesti dokaz: Govor Uzvišenog: **{A starim ženama koje više ne žude za udajom nije grijeh da odlože ogrtače svoje, ali ne pokazujući ona mjesta na kojima se ukrasi nose; a bolje im je da budu krjeposne. Allah sve čuje i zna.}** [En-Nur: 60]. Rečeno je: stare žene su one kojima je prestao hajz i nemaju želje za udajom. I rečeno je: To je stara žena za kojom muškarci nemaju potrebe. Međutim, žena kod koje je ostalo nešto od ljepote i može utjecati na strasti (požudu) muškaraca onda se takva nikako ne ubraja u ovaj ajet. Ono na što ukazuje ovaj ajet jeste da je Allah olakšao ovu naredbu starim ženama, koje nemaju želju za udajom, niti su poželjne za udaju, da smiju odložiti svoje haljine i da ne moraju stavljati hidžab zato što je njihova ljepota prošla i ne mogu prouzrokovati fesad, međutim, ako bi se pokrile kao djevojke to je bolje za njih.

Ovaj ajet je dokaz da je hidžab (pokrivanje) vadžib, ali šta znači **{odlože ogrtače svoje}**? Da li to znači da je Uzvišeni Allah dozvolio starim ženama da odlože sve svoje ogrtače (odjeću)?! Odgovor, ne nije tako, nikada. Stoga, stare žene smiju odložiti (skinuti) svoje ogrtače osim onoga dijela koji pokriva njihovo lice. I nema sumnje da Kur'anski tekstovi i ono što je došlo u Sunnetu dokazuju to.

Ovo su neki od dokaza za obaveznost pokrivanja lica žene pred muškarcima koji joj nisu mahremi. I tako su radile sve žene muslimana, a na to je ukazao šejh Muhammed bin Ibrahim Aal eš-Šejh ؒ koji je rekao: „Zahvala pripada Allahu. Poznato je da žene muslimana i žene Allahovog Poslanika ﷺ, žene ashaba u njegovo vrijeme, te u vrijeme pravednih halifa, i u vrijeme selefu-s-salih (ispravnih prethodnika), ridvanullahi 'alejhim, nisu izlazile otkrivenog lica, a šerijatskih dokaza iz Knjige i Sunneta i govora selefa ummeta i onih

poslije njih ima mnogo. Allah je naredio ženama vjernika da {spuste svoje haljine niza se} a Ibn 'Abbas ؓ i drugi od selefa su ovaj ajet protumačili kao pokrivanje lica pred muškarcima strancima. Rekao je Allahov Poslanik : „Žena ja cijela 'avret (stid).“ A cijeli 'avret je obaveza pokriti i nije dozvoljeno otkriti ništa od njega. Ibnul-Munzir je spomenuo idžma' u vezi toga da žena u ihramima mora pokriti svoju glavu i svoju kosu, a drugi dio odjeće mora spustiti na svoje lice toliko da je muškarci stranci ne mogu vidjeti. Ibn Ruslan je rekao da su muslimani složni da je ženama zabranjeno izlaziti otkrivenih lica...”

Nikab predstavlja više od samog pokrivanja lica, ono predstavlja očuvanje edeba cijelog Ummeta, čime se sprječava fesad i kloni slijeđenja strasti. Rekao je pjesnik: „Početak bolesti dolazi od pogleda (u zabranjeno)...a male iskre dovode do žestoke vatre...” Žena je cijela 'avret. Ako izađe izvan kuće zapodjene je šejtan i uljepša pogleda na nju. A kako je onda sa licem koje sačinjava svu ljepotu žene!!

Kada se pokrivanje lica žene ne bi radilo zbog vjere i Šerijata, ono bi bila praksa ispravnih razumnih ljudi. Kao što je to rekao Ibn Hadžer ؓ: „Poznato je da razuman čovjek neće dopustiti da stranac vidi lice njegove žene i kćerke.“ [Medžmu'a resail ve fetava Muhammed ibn Ibrahim].

Znaj o brate muslimanu, o sestro muslimanko, da je potpuni hidžab (pokrivanje) u islamu od islamske akide i edeba. To je put Ummeta i sistem države, stoga, svako ponaosob mora da ispuni ovaj vadžib. Žena treba da upotrpuni ovu obavezu i muškarac je obavezan da čuva svoje stado (žene/porodicu) i da im naredi da se pokriju i da zabrani miješanje sa muškarcima u kućama i van kuća. Žene ne smiju izlaziti iz svojih kuća osim u potrebi ili hitnom slučaju. I insan mora da pokrije i zaštiti svoje mjesto u kojem živi kako niko izvana ne bi mogao da ga vidi unutra. A što se tiče države ona mora da obaveže one koji naređuju dobro i odvrćaju od zla (npr. Ured Hisba) da zabranjuju otkrivanje i da upozoravaju šticećenike žena od muškaraca ili da kazne one koji trebaju biti kažnjeni.

Allahov Poslanik ؓ je spriječio sve načine miješanje muškaraca i žena, do tog stepena da je podsticao i savjetovao žene da namaz obavljaju u svojim kućama, a

ne u mesdžidima kako ne bi došlo do miješanja sa muškarcima. Allahov Poslanik ؓ je mrzio zadnje saffove (redove) mušaraca i prve saffove (redove) žena u namazu zbog blizine jedni drugima. On ؓ je odlagao izlazak muškaraca sve dok žene ne izađu i udalje se od mesdžida. Zatim je naredio ženama da ne hodaju na sred puta već da ga ostave za muškarce, a da one hodaju krajevima puta. Allahov Poslanik ؓ je isto tako zabranio ženi osamljivanje sa muškarcem bez njenog mahrema, te putovanje bez mahrema, itd. Sve to da bi se zatvorili putevi i načini kojima bi došlo do miješanja, a ima i dosta vjerodostojnih hadisa koji dokazuju to. Zbog toga je halifa muslimana 'Omer ibn Hattab ؓ zagovarao da se zabrani neoženjenoj osobi da živi među oženjenima zbog opreznosti i sumnje.

A što se tiče zatvaranje i prekrivanje kuća svaki insan mora da zatvori kuću tako da niko ne vidi njegove 'avrete niti da on vidi tuđe. Sa šerijatskog aspekta obaveza je da osoba koja živi u visokoj zgradi prekrije svoje mjesto (balkon, stan, i dr.) kako ne bi mogao vidjeti prema dole. Stoga, ko god se uzdigne za određen sprat mora da za sebe stavi prepreku kako ne bi vidio dolje. [Pogledaj El Mugni]. Da bi se muslimani držali pravila i brinuli o pokrivanju njihovih kuća izvana i iznutra tokom vremena, islamsko građevinarstvo se specijaliziralo u posebnoj izgradnji koja se razlikuje od zapadne izgradnje koja je poharala muslimanske zemlje u današnjem vremenu. Možemo ukratko objasniti razliku između ove dvije gradnje a to je: islamska kuća je otvorena za unutrašnjost (zatvorena) dok je zapadna kuća otvorena za vanjštinu (javno otvorena).

Allahu uputi žene muslimanke da budu časne i moralne i muškarce muslimane da budu ljubomorni i moralni. Neka su mir i salavat na našeg Poslanika, na njegovu porodicu i ashabe.



DOKAZI ZA OBAVEZNOST

POKRIVANJA LICA ŽENE

